



Jesus ons Verlosser leef! Ons reik uit oor alle grense.

22 APRIL 2018

STELLENBERG-GEMEENTE

021 976 4519 (kerkkantoor)

021 975 1044 (jeugkantoor)

021 910 3900 (feesmark)

021 976 8029 (SOS)

www.stellenberg.co.za

navrae@stellenberg.co.za

GEMEENTEBULLETIN

EREDIENSTE

		22 April		29 April		
09:00	Kerk	Oggenddiens	Ds. Breytenbach	3	Ds. Duvenhage	4
09:00	Kleinsaal	Gesinsdiens	Ds. Kotze	6	Geen diens	-
09:00	Kapel	Meditatief	Philipp Dietmann	-	Geen diens	-
18:00	Kerk	Jeugdiens	Ds. Kotze	-	Geen diens	-
19:00	Kapel	Kruisdiens	Ds. Breytenbach	13	Ds. Duvenhage	11

OGGENDDIENS

'n Nuwe lewe, 'n nuwe vryheid

(Romeine 6)

GESINSDIENS

Vryheid in oorvloed

(Romeine 6)

JEUGDIENS

Intimiteit definieër my

(1 Joh. 3:1)

DEUROFFER

Jeugitreike - ons beoog ses

jeugitreike na Karoodorpe en

Transkei in die Julie skoolvakansie.

Volledige inligting op

www.stellenberg.co.za

PLANTETAFEL TEN BATE VAN JEUGUITREIKE

Die gewilde plantetafel hou weer op Sondag 22 April 'n verkoping. Ondersteun hulle gerus. Al die plante is waterslim opsies. Neem 'n plantjie in ruil vir 'n donasie ten bate van ons jeugitreike.

BADKAMERS BY DIE GROOT EN KLEINSAAL

Die badkamers langs die grootsaal (in die deurloop) word opgegradeer en is tans nie geskik vir gebruik nie. Gebruik asb. die badkamers oorkant die kleinsaal. Die ou toilette wat verwyder is uit die badkamers is te koop. Kontak Fritz by 021 976 4519 / fritz@stellenberg.co.za om 'n aanbod te maak.

SINKING VAN BOORGAT

Die eiendomskommissie het besluit om 'n boorgat op die kerkterrein te laat sink. Die proses sal einde volgende week begin. Die water sal getoets word om te bepaal vir watter doeleindes dit gebruik kan word. Die toetsing is ongeveer 'n ses weke proses.

JEUGDAGBOEK

- JEUGDIENS begin 18:00 met kleingroepe wat daaruit vloei.
- SENIOR KLEINGROEPELIERS ontmoet om 17:00 vir opleiding.
- ANNIBRAND KLEINGROEPE vir jong volwassenes kom op Woensdae 18:30 bymekaar, kontak jeugkantoor vir meer info.
- BLISS groep vir jong volwassenes kom Sondag 16:45 bymekaar, met selgroepe Woensdae aande 18:30, kontak jeugkantoor vir meer info.
- TIENERPINKSTER: 13 tot 17 Mei om 19:00 in die markplein.
- KINDERPINKSTER: 13 tot 17 Mei om 19:00 in die kleinsaal.
- KLEUTERPINKSTER: 13 TOT 17 Mei om 19:0 in kleuterlokaal.
- VUUR-EN-VLAM-KONFERENSIE: 26 Mei
- BELYDENISAFLEGGING : 27 Mei - aansoekvorms jeugkantoor.
- DELFT-uitreik: Elke Donderdag direk na skool om 14:30.

GEMEENTEBRAAI

Gemeentebraai in die Markplein op Vrydag 4 Mei. Ons voorsien die kole. Bring jou eie vleis, slaai, eetgerei, drinkgoed en glase. Kole is vanaf 19:00 gereed. Almal is welkom.

KLOUTERKERK

Die volgende klouterkerk byeenkoms is op Sondag 6 Mei om 09:00 in die grootsaal. Ouers met babas en kleuters is baie welkom by die lekker informele erediens.

BORG-'N-BERSIE-PROJEK

Ons wil baie graag 3000 kombersies vir die jeuguitreike tydens die Julie skoolvakansie insamel. Help ons asseblief om dié droom te verwesenlik deur 'n boekmerk ter waarde van R20 / R50 / R100 te koop. Jy kan die boekmerke deur die week by die jeugkantoor aankoop of gebruik die SnapScan kode op die Borg-'n-Bersie plakkate om jou bydrae te maak.

JEUGKLEINGROEPE LOKALE

Graad 1: Kleinsaal
Graad 2 & 3: Grootaal
Graad 4: Bo-vertrek
Graad 5 - 6: Kerk
Graad 7: Jeuglokaal
Graad 8: Kerk
Graad 9: Grootaal
Graad 10: Jeuglokaal
Graad 11: Kleinsaal

ANNIBRAND T-HEMDE EN BAADJIES

Annibrand-klere vir laerskoolkinders word Sondagoggend na die eredienste in die kafeteria verkoop.

NOMINASIES VIR NUWE LERAAR

Die kerkraad is besig om die vakante pos te vul. Die pre-advies kommissie bestuur die proses en beoog om op die kerkraadsvergadering van 23 Mei 2018 'n beroep uit te bring. Lidmate het tot Maandag 23 April geleentheid om kandidate te nomineer. Stuur nominasies met die besonderhede van die predikant (dit moet 'n gelegitimeerde predikant van die NGK of VGK wees) aan die Voorsitter pre-advies by stellenberg@stellenberg.co.za

SOPBYDRAES VIR PINKSTER

Dit is tradisie in Stellenberg dat ons saans na Pinksterdienste sop en brood bedien. Ons benodig dus weer vrywilligers wat bereid is om vir een aand vanaf 13 tot 17 Mei 'n 5 liter pot sop te kook. Jy gee die warm pot sop by die markplein af, voor die pinksterdiens, en neem jou pot weer na die sopbediening huis toe. Indien jy bereid is om te help, skryf asseblief jou naam op die lys by die informasie toonbank buite die kerk of stuur 'n e-pos stuur aan karin@stellenberg.co.za

RUYTERWACHT DIENSSENTRUM

Die Dienssentrum wat dienste lewer aan minderbevoorregte bejaardes in Ruyterwacht hou op 4 Mei 'n basaar. Bydraes vir hulle basaar in die vorm van koekies, beskuit, koeldrank, eiers, lekkers, ens. sal baie waardeer word. Gee asb. bydraes voor 25 April by die kerkkantoor af.

HOSPIVISIE

Hospivisie is die organisasie wat tydens die videogreep wat in die erediens vertoon is, bekend gestel is. Hulle bied verskeie diensgeleenthede waarby lidmate betrokke kan raak, soos besoeke aan pasiente, gebedsvriende, geskenkpakkies, kaartjies maak, ens. Vir meer inligting rakende Hospivisie, besoek gerus hul webtuiste by www.hospivision.org.za of kontak Marina by 074 588 9688.

EDELWEISS BYBELSTUDIE

Edelweiss Huisbyeenkoms

Sondag 22 April om 18:00

uit Handelinge 10:

Petrus se tafel word
nuut gedek.

STELLENBERG ONDERSTEUNING- SENTRUM

Die sentrum bied
terapeutiese dienste.
Kontak hulle gerus om 'n
afspraak by enige van die

volgende professionele
persone te maak:

- Kliniese Sielkundige
- Lewensafrigter
- Mediator

021 976 8029
sos@stellenberg.co.za

BLESS A BLIND

Night without light

Sondag 20 Mei 18:00

Kom beleef die wêreld van
'n blinde tydens 'n aand
van sang, musiek en
drama aangebied deur
talentvolle blinde
kunstenaars.

Kaartjies @ R50
beskikbaar by Bellville
Uitsig-gemeente.

VATVYF BYEENKOMSTE

- **Vergaderdatums:** Die aanvanklike datums vir die kwartaal is aangepas om Edelweiss se oggendbyeenkomste op Woensdae te akkommodeer. Geen geleenthede sal plaasvind in April nie, maar in Mei sal twee geleenthede op 2 & 23 Mei aangebied word.
- **Uitstappie op 2 Mei:** Ons besoek die Hartmuseum by Groote Schuur Hospitaal. Daar is ongelukkig net plek vir 23 persone. Vertrek om 09:30, besoek die museum om 11:00 en geniet daarna iets te drinke in die restaurant. **Koste:** R100 per persoon. Besprekings by Karin (021 976 4519) voor Donderdag, 26 April.

VAKATURE EDELWEISS

Edelweiss ACVV Dienstak benodig die dienste van 'n Vloermatrone (huishoudelik / wassery / skoonmaak). Die geskikte kandidaat moet verkieslik nie ouer as 55 wees nie met goeie gesondheid en sy moet middel Mei beskikbaar wees vir opleiding. CV's kan aan stella@acvv.org.za gerig word.

HELP ASSEBLIEF

- Die **Omgeekombuis** benodig helpers wat bereid is om een keer per maand op 'n Donderdagoggend behulpsaam te wees met die voorbereiding van etes vir minderbevoorregtes. Kontak Milda Brits by 021 976 4519 / milda@stellenberg.co.za
- **Helpers by die kafeteria:** Indien jy bereid is om een / twee keer per kwartaal vanaf 09:00 tot 11:00 op 'n Sondagoggend 'n diensbeurt by die kafeteria te neem, kontak asb. vir Lindy by lindy@stellenberg.co.za (Jy hoef nie skottelgoed te was nie).
- **Sekuriteitshelpers:** Ons sekuriteitspanne wat weekliks roteer om motors tydens eredienste op te pas benodig helpers. Indien jy bereid is om ongeveer een keer in twee maande 'n diensbeurt waar te neem stuur asb. 'n e-pos aan lindy@stellenberg.co.za

VROUEKAMP

18 tot 20 Mei

Tema: Vind jouself in God se Storie

Plek: Die Eiland, Stellenbosch

Koste: R490 per persoon.

Bespreek jou plek deur die betaling te maak na ABSA, Vroue na God se hart, 926 140 4159. Gebruik jou naam en van as verwysing en stuur die bewys van betaling na diexiesdatjies@gmail.com

Rig navrae aan Rita Robertson 084 640 4183.

KANTOORURE VIR FINANSIËLE KANTOOR

Maandae 11:00 tot 13:00
en ander weksdae 09:00
tot 13:00.